

## ՀԱՐՑԱԹԵՐԹ

### 1. Արտագրի՛ր և ըստ անհրաժեշտության՝ կետերի փոխարեն լրացրո՛ւ համապատասխան տառերը:

Ես գիտեմ, որ մեծահասակները թվեր շատ են սիրում: Երբ նրանց պատմում ես, որ դու նոր բարեկամ ես ձեռք բերել, նրանք եր...եք չեն հարցնում ամենա...ականի մասին: Եր...եք չեն ասի, թե ինչպիսի՞ ձայն ունի նա, ի՞նչ խաղեր է նախ...նտրում խաղալ, սիրո՞ւմ է թիթե... բռնել, ծառ բարձրանալ: Նրանք հարցնում են, թե քանի՞ տարեկան է նա, քանի՞ ե...բայր ունի, քաջն ինչքա՞ն է, ո՞վ է նրա հայրը և որքա՞ն է վաստակում: Դրանից հետո, կհավատա՞ք, եր...ակայում են, թե ճանաչեցին մար...ուն:

Երբ մեծահասակներին ասում ես, թե տեսար վար...ագույն աղ...սից շինված մի տուն, որի պատուհա...երին խորդենի կար, իսկ կտուրին՝ աղավնիներ, նրանք եր...եք չեն պատկերացնի այդ տունը: Նրանց պետք է ասես, որ տեսածդ տունը եռահարկ է, արժե երկու հար...ր միլ...ն դրամ: Մի...այն այդ ժամանակ նրանք ո...նորված կբացա...անչեն. «Ի՛նչ գեղեցկություն, ի՛նչ չնաշխար...իկ տուն է դա»:

### 2. Շարադրանքից դո՛ւրս գրի՛ր հետևյալ բառերի հոմանիշները.

գերադասել, գոչել, բնավ, պատկերացնել, կարևորագույն, տանիք, անգուգական, գեթ

### 3. Շարադրանքից դո՛ւրս գրի՛ր հետևյալ բառերի հակառակները.

գրկվել, վատնել, այլանդակ, թշնամի, միշտ

4. Շարադրանքից դո՛ւրս գրի՛ր շեշտափոխական հնչյունափոխությամբ կազմված 7 բառ կամ բառաձև՝ փակագծերում գրելով արմատի կամ հիմքի անհնչյունափոխ տարբերակը:

5. Շարադրանքից դո՛ւրս գրի՛ր 9 տարբեր ածանցներով մեկական բառ՝ ամեն ածանցով կազմելով ևս մեկ բառ:

6. Շարադրանքից դո՛ւրս գրի՛ր 6 բարդ կամ բարդ ածանցավոր բառ:

7. Շարադրանքից դո՛ւրս գրի՛ր հետևյալ իմաստներն ունեցող բառերը. 1. «կավից սարքված շինաքար», 2. «գարդարական և եթերատու բույսի տեսակ»:

8. Շարադրանքում տեղ գտած պարզ բառերից ու արմատներից 6-ը որպես վերջնաբաղադրիչ օգտագործելով՝ կազմի՛ր դրանցով 1-ական այնպիսի բազմավանկ բառեր, որոնց հոգնակին կազմվում է *-եր* վերջավորությամբ:

9. Շարադրանքից դո՛ւրս գրի՛ր 2 այնպիսի գոյականներ, որոնք կարող ես դարձնել բայեր: Օրինակ՝ *քար > քարանայ*:

10. Շարադրանքից դո՛ւրս գրի՛ր 5 անկանոն բայ:

11. Շարադրանքից դո՛ւրս գրի՛ր 5 անկախ դերբայ (ոչ ձևաբայ):

12. Շարադրանքից դո՛ւրս գրի՛ր դերանվանական հոլովման ենթարկվող 5 բառ:

13. Շարադրանքից դո՛ւրս գրի՛ր չեզոք սեռի 5 բայ:

14. Գրի՛ր շարադրություն՝ «Իմ սիրած գույնը» վերնագրով (1 – 1,5 էջ):